

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

1. जंगलात मंत्री जावेद राणा होरें कल केन्द्री जंगलात मंत्री हुंदे नै मिले ते जम्मू कश्मीर च जनजातीयें दी भलाई बेहतरी ते जंगलें दे संरक्षण लेई माली मदाद ते समर्थन नीति दी मंग कीती।
2. ट्रांसपोर्ट मंत्री सतीश शर्मा होरें जम्मू रेलवे स्टेशन पर डरैवरें लेई सेहत कैप दा उद्घाटन कीता ते आखेआ जे उनें सब्बने थाहरें जित्थें डरैवरें गी रुकना पौंदा ऐ, उत्थें उंदे ठैहरने, बसांह करने, शौचालय ते सराएं दी बवस्था कीती जा।
3. मुख सचिव होरें आखेआ ऐ जे जम्मू कश्मीर च जिमीएं दे रिकार्ड दे डिजीटलीकरण दा कम्म तौले तोड़ चाढ़ी दित्ता जाग।
4. राजौरी दे बडहाल ग्रां च 24 तरीके दे बाद बमारी दा कोई नमां मामला सामने नेई आया, ग्रां च व्यापक एहतियाती उपाह अजें बी जारी।
5. कल संजा पारंपारिक बीटिंग रिट्रीट दे आयोजन कन्नै गै 4 दिने चले दे गणतंत्र दिवस समारोह सम्पन्न होई गे न।

<><><><><><>

Forest Minsiter

जंगलात, पर्यावरण ते जनजातीय मामलें दे मंत्री जावेद अहमद राणा होरें कल नमीं दिल्ली च केन्द्री पर्यावरण, ते जंगलात मंत्री भूपेन्द्र यादव हुंदे कन्नै मलाटी करियै जम्मू-कश्मीर दे पर्यावरण ते जनजातीय कल्याण मतल्लक महत्वपूर्ण मामलें पर चर्चा कीती। राणा होरें केन्द्र सरकार दी तरफा प्रदेश लेई माली सहायता ते नीतिगत सैहयोग दी मंग कीती। इस मौके उप्पर उनें अगले त्र'ऊं ब'रें दरान कंडी इलाकें च मिट्टी ते पानी दे संरक्षण लेई 75 करोड़ रुपें दा इक प्रस्ताऽ उनें'गी सौंपेआ। एह्दे अलावा उनें खानाबदोश बक्करवालें दे प्रवास आहले रस्ते विकसित करने गितै 100 करोड़ रुपे ते शिवालिक खित्ते च औषधीय बूहटें दे संरक्षण लेई बी 50 करोड़ रुपें दा प्रस्ताऽ केन्द्री मंत्री होरें'गी सौंपेआ।

<><><><><><>

Transport Minister

ट्रांसपोर्ट मंत्री सतीश शर्मा होरें आखेआ ऐ जे डरैवरें ते उंदे हेल्परें दे कल्याण लेई बड्डे ट्रांसपोर्ट केन्द्रें पर डारमेटरीएं, शौचालयें ते डरैवरें ताई सरांस वगैरपा दी स्थापना कीती जाहग। एह गल्ल उनें कल जम्मू रेलवे स्टेशन पर आयोजित इक मेडिकल कैप दा उद्घाटन करने परैन्त किट्ठ अगगे भाषण दिंदे होई आखी। मंत्री होरें इस गल्लै दा जकीन दोआया जे ट्रांसपोर्ट ते सेहत मैह्कमें दे साथ-सैह्योग कन्नै डरैवरें लेई हर म्हीने सेहतू दी जांच आहले कैपें दा आयोजन कीता जाहग। कल लोआए गेदे इस कैप दा आयोजन मोटर गडिडएं सरबंधी मैह्कमे आसेआ सेहत विभाग ते रेलवे स्टेशन जम्मू आहली टैक्सी आपरेटरें दी यूनियन दे सैह्योग कन्नै कीता गेदा हा। इस कैप दरान साड्डे 400 शा मते डरैवरें दी बीपी, शूगर ते अक्खिएं वगैरा दी मुफ्त जांच कीती गई।

<><><><><><>

CS

मुख्य सचिव अटल डुल्लु होरें जमीनें सरबंधी रिकार्डें दे डिजिटलीकरण सरबंधी डिजिटल इंडिया प्रोग्राम दे तैहत जम्मू-कश्मीर दे राजस्व ग्राएं दे जिमीं रिकार्डें गी डिजिटल बनाने दे कम्मै च हासल प्रगति दा कल इक बैठका दरान जायजा लैता। इस मौके उप्पर उनें इस प्रोग्राम दे तैहत जमीनें सरबंधी रिकार्डें दे डिजिटलीकरण ते रक्ख-रखाऽ प्रति जम्मू-कश्मीर सरकार दी वचनबद्धता गी फही पक्का कीता। उनें सरबंधत अधिकारिएं पर जोर पाया जे ओह तय समे-सीमा दे अंदर-अंदर इनें कम्में गी सबूरा करोआन।

<><><><><><>श

LG

लेफ्टिनेंट गवर्नर मनोज सिन्हा विकसित भारत युवा नेता संवाद 2025 च जम्मू-कश्मीर दी नुमाइंदगी करने आहले नौजवानें कन्नै कल मलाटी कीती। एलजी होरें इस टीम च शामिल चंद्र प्रकाश, सानिया ते निलेश होरें'गी राश्ट्री सतह दे इस महत्वपूर्ण मंच उप्पर राई-बाई मतल्लक अपने नमें विचारें ताई सराहना हासल करने लेई मुबारकबाद दित्ती। श्री सिन्हा होरें कौन बनेगा करोड़पति नाऽ दे लोकप्रिय रियैलिटी शो च ऐतिहासिक उपलब्धि हासल करने लेई चंद्र प्रकाश होरें'गी ममारखां दित्तिआं।

<><><><><><>श

Gandhi-Death Anniversary

समूलचा राश्ट्र अज्ज राश्ट्रपति महात्मा गांधी होरें गी उंदी 77मीं बरसी पर चेता करा करदा ऐ। इस मौके उंदी समाधि "राजघाट" पर इक विशेष श्रद्धांजलि समारोह दा सरिस्ता कीता गेदा ऐ जित्थें उनेंगी श्रद्धांजलि भेंट करदे होई सर्वधर्म प्रार्थना सभा दा बी सरिस्ता कीता जंदा ऐ। मुख्य भरै च इस मौके विशेष कार्यक्रम

आयोजित करियै उनेंगी श्रद्धांजलि भेंट कीती जंदी ऐ। जम्मू दे एतिहासक मुबारक मंडी परिसर च जित्थें राजै दे टैम दरबार आम लगदा हा, उत्थें गांधी ग्लोबल फैमिली दी तरफा इक कार्यक्रम दा आयोजन कीता गेदा ऐ। अज्ज दिने 11 बजे मुख्य भरै च सायरन बजाया जंदा ऐ ते लोक दऊं मिंटें दा मौन रखियै राष्ट्रपिता होरें गी श्रद्धांजलि भेंट करदे न।

<><><><><><>

Mahakumbh Incident

महाकुंभ प्रयागराज च कल संगम घाट पर होई दी घटना च घट्टोघट्ट 30 लोक मारे गे ते 60 होर दुए जख्मी होई गे। एह हादसा अद्धी रातीं दे बाद कोई 1 ते 2 बजे दे बश्कार उसलै होआ जिसलै बड़ी भारी भीड़ अखाड़ा रूट पर किट्ठे होई गेई ते बैरिकैड त्रोड़ी दित्ते गे। इस हादसे दे तुरत मगरा प्रशासन नै बचाह अभियान शुरू करी दित्ता जेह्दे तैहत्तउत्थें एम्बूलेंस लेई ग्रीन कोरीडोर बनाया गेआ ते जख्मिए गी अस्पताल पजाया गेआ। राष्ट्रपति द्रौपदी मुर्मू, प्रधानमंत्री नरेन्द्र मोदी, गृहमंत्री अमित शाह ते उत्तर प्रदेश दे मुख्यमंत्री योगी आदित्यनाथ होरें मंदे भागें आली इस घटना पर दुख ते बसोस जताया ऐ।

<><><><><><>

Badhaal

राजौरी जिले च रहस्यमयी बमारी दी मारै हेठ आए दे बडहाल ग्रां थमां हून दिल बधाने आलियां खबरां आवै करदियां न ते जंदी 24 जनवरी थमां लेइयै हूनै तोड़ी उत्थुआं कोई बी नमां मामला सामने नेई आया ऐ। दूर्इ बक्खी राजौरी दे डिप्टी कमीशनर अभिषेक शर्मा हुंदी दिक्ख-रिक्ख हेठ जिला प्रशासन आस्सेआ बडहाल ग्रां दे बसनीकें दी दिक्खभाल आस्तै सब्बै लोड़चदे हीलं बरोबर जारी रखे गेदे न। हालात पर काबू पाने ते होर नमें मामले गी रोकने दे मकसद कन्नै 364 लोकें आले87 परोआरें गी बडहाल ग्रां थमां राजौरी मुंतकिल कीता गेदा ऐ। एह्दे अलावा सांझे जतनें गी असरदार ढंगै नै तोड़ चाढ्ढने, लोकें दिएं चैंताएं गी दूर करने ते डर-त्राह आली स्थिति बनने थमां रोकने लेई अतिरिक्त जिला विकास कमीशनर हुंदी निगरानी हेठ इक नियंत्रण कक्ष बी खडेरेआ गेदा ऐ।

<><><><><><>

Beating Retreat(byte)

जम्मू दे मौलाना आजाद स्टेडियम च कल संजा बीटिंग रीट्रीट समारोह दे कन्नै गै च0197 दिनें तगर चले दे गणतंत्र दिवस समारोह सम्पन्न होई गे। आकाशवाणी दे जम्मू संवाददाता नै जानकारी दित्ती ऐ जे जम्मू कश्मीर पुलस ते सशस्त्र बलें दे ब्रास बैंड ते पाइप बैंडें इस मौके शानदार संगीत धुनां बजाइयै सब्बने दा मन मोही लैता।

उपराज्यपाल मनोज सिन्हा होर इस मौके मुख परौहने हे जिने मगरा गणतंत्र दिवस परेड ते इस सिलसिले च आयोजित रंगारंग कार्यक्रमें ते होरने प्रतियोगिताएं च शानदार प्रदर्शन करने आले दस्ते, स्कूले, विभागें ते संगठने गी पुरस्कार बी भेंट कीते।

<><><><><><>

Chief Justice

कनूनी जागरूकता बधाने ते सब्बने लेई न्याह जकीनी बनाने दी दिशा रु इक महत्वपूर्ण गेंह पुट्टदे होई जम्मू कश्मीर ते लद्दाख हाईकोर्ट दे मुख न्यायधीश जस्टिस ताशी राबस्तन होरें जम्मू कश्मीर कनूनी सेवा प्राकधकरण दिएं गतिविधिएं पर आधारित ब४रे 2025 दा कंधे पर टंगने आला कलेंडर कल जारी कीता। इस मौके पर प्रधिकरण दे कार्यकारी अध्यक्ष अतुल श्रीधरण होरें रभनगर थमां वर्चुअल ढंगै नै एहदे च हिस्सा लैता। 2025 बॄरे दिएं गतिविधिएं आधारित इस कलेंडर च कनूनी जागरूकता कार्यक्रमें, कनूनी मदाद आली पैहलकदमिएं ते मजूदा बॄरे दरान कीती जाने आली होर दडुएं गतिविधिएं दी जानकारी बी दित्ती गेदी ऐ।

<><><><><><>

DGP

पुलस महानिदेशक नलिन प्रभात होरें सब्बने सुरक्षा बलें गी आखेआ ऐ जे ओह आपूं च नेड़मा तालमेल बनाइयै कम्म करन। आकाशवाणी दे जम्मू संवाददाता नै जानकारी दित्ती ऐ जे कल अपने कडुआ दौरे दरान डीजीपी ते पुलसै उे बड्डे अफसरें कन्नै गल्लबात कीती। मजूदा हालात दी समीक्षा कीती जे आखेआ जे कुसै बी चाल्ली दी चुनौती कन्नै निबड़ने लेई पूरी चाल्ली सौहगा, सतर्क ते तैआर रौहना बड़ा जरूरी ऐ। उनें सारे सुरक्षा बलें गी निर्देश दित्ता जे इलाके च दिखे गेदे आतंकवादिएं दा खातमा करने लेई आपूं च नेड़मा तालमेल बनाइयै कारवाइयां कीतियां जान। उनें खूफिया जानकारी ते जमीनी सतह पर कारवाइएं दी तैआरी पर जोर दित्ता। डीजीपी होर विशेष टीमें दी निष्ठा, जज्बे ते अगगे होइयै कारवाई करने आले रौह दी बी सराहना कीती। उनें जिले च बक्ख—बक्ख सुरक्षा बलें दे ठकाने दा बी दौरा कीता, उत्थें तैनात पुलस, फौज ते सीआरपीएफ दे अधिकारिं ते जवानें कन्नै गल्लबात करियै जमीनी सुरक्षा हालात दी समीक्षा कीती ते कारवाइयें सरबंधी तैआरिं दा तफसीली जायजा लैता।

<><><><><><>

Ramban

जैविक खेतीबाड़ी सेहत दे नियमें सिदांते पर आधारित ऐ जेहड़ी इंसाने, जानवारें, पर्यापरण, रुक्ख बूहटे, मिट्टी, जलस्रोत ते पूरे चपासम दा ,याल रखदी ऐ। एह राई—बाई दे ऐसे तौर तरीकें गी बढ़ावा दिंदी ऐ जेहड़े कुदरत दे अनुकूल फसलें दी रड़ करियै बेहतर उत्पादन ते पर्यावरण दे अनुकूल जीवन जीने लेई प्रेरत

करदी ऐ। रामबन जिले च बी राई—बाई दे क्षेत्र च इसी बढवा दित्ता जा'रदा ऐ जेह्दे खरे नतीजे सामने आवा करदे न।

<><><><><><>